

107
winder alle arbeit. **V**ns
h̄re haisset och d̄ entlöhret
Got v̄n ist dz d̄ene so er d̄
m̄tlichen gut ze erk̄enend
inwedig die Ḡtliche war
hait. **D**er willag spruchet.
O h̄re sende mir din licht.
v̄n erlöhete mich dz ich er
k̄ene dine warhait. **A**lso
sont wir och v̄nser h̄ren
biten dz er v̄ns si d̄ erlöh
tend Got. dz v̄nser h̄re er
löhret w̄de dz wir erk̄enen
die Ḡtlichen warhait. **S**it
er d̄ene d̄v̄ warhait ist. so
sont wir des k̄amen zwi
vel han er gele v̄ns sin h̄y
melliche. v̄n sich sellen ze
lone. won dz hat er v̄ns ge
lobt ob wir im dien̄et v̄ns
an dz ende. **I**n tr̄uwen sw̄en
v̄ns d̄ene verd̄r̄sset der ar
beit v̄n des lebens. so sont
wir gedenken an den lon. so
wurt si v̄ns lichte v̄n sw̄en
wir soll ged̄ekent. v̄nd die
Ḡtlichen warhait erken
n̄ed. so ist v̄nser h̄re d̄ erlöh

tend Got so er mit sin gnade
erlöhret den m̄tlichen. v̄n in
mit sin tr̄obste machet fr̄uht
l̄ar in allen toḡeden. **A**v
merk̄et fürbz dz ander wort
dz er spruchet. **G**ot hat ge
pflanzet ain parad̄ys. daz
sprucht ain garte d̄ wollvst.
Dz wort sont ir v̄stan an
die s̄alden richen **M**arien. die
v̄nser h̄re gepflanzet hat
vor der welte angenge. **D**v̄
ist gen̄at ain schön garte.
d̄ wollvst. **D**z sont ir allus
v̄stan. dz ir d̄ vact v̄o himel
riche gerte. v̄n dar z̄v̄ sin sun.
v̄n d̄ hailig gait. **I**r gert̄et
och die engel. v̄n d̄ m̄ntsch.
v̄n alles dz ie besch̄aid̄heit
gewan. dz gerte ir. **D**er t̄üvel
gerte ir mit. won er ist so v̄bel
dz er mit gr̄otes gert. **D**ise
garten d̄ wollvst gesch̄öf
v̄nser h̄re vor angenge der
welte. won e er ie m̄tliche
gesch̄öf. do hatt er ir leben
geordnet. v̄n hatte si erwelt
ze ainer m̄vt. **D**a v̄o hatte